

հունեցոց, Մամիկոնյանց, և Արծրունի (Մահկանաբերդի) տոհմերին նվիրված մեծ ու փոքր աշխատություններ, չուրաքանչյուրը մի ամբողջություն, բայց փոխադարձաբար իրար լրացնող և բոլորը միասին մի նպատակ արևելյան բովանդակ Հայաստանի պատմության լուսաբանություն՝ վերև գծված սահմանի մեջ: Յեթե հաջողվի մեզ այս ծրագիրն իրագործել, վորի մի մասը պատրաստ է, մյուսի նյութերը հավաքված, կարծում ենք, ԺԳ. և հետագա դարերի գիտական պատմության տված մեր լուծալի հետ, նպատակով կլինենք և ուրիշներին նոր ուսումնասիրություններ կատարելու այն նյութերի հիման վրա, վոր ըստ մեծի մասին մեր հնագիտական ճանապարհորդությունների հետևանք են, տեղն ու տեղը ստուգած, լուսանկար, անկամ նկարագրած, հնարավորություն տալով նաև վերստուգելու մեր մտքերն ու չեզրակացությունները:

Ներկայիվ լույս է տեսնում «Սողեակյանք կամ Պոռչանք Հայոց պատմության մեջ» աշխատության միայն առաջին՝ պատմական մասը. չերկրորդը, վոր պատրաստ է դարձյալ չուր բնագրով և կլիշաներով, հապաղում է միայն տեխնիքական պատճառներով, վոր հուշ ունինք շուտով վերացնել և շարունակել ապագությունը. դրա վերնագիրն է «Սողեակյանք կամ Պոռչանք հոգևոր կեդրոններն ու վանքերը», վորի մեջ է մտնում և միջնագարչան Հայոց «համալսարանի»՝ Գլաձորի դպրոցի պատմությունը ընդարձակ գրվածով: Յերկրորդ մասի հետ կհրատարակվի չերրորդ մասը՝ Հավելվածները, այսինքն հիշատակարաններն ու արձանագրությունները իրենց գիտական ապարատով, վորով կլրանա և ամբողջ հատորը:

Մենք շատ կցանկալինք, վոր հնարավորություն ունենալինք ամբողջ հատորը միանգամից գնել բանասեր հասարակության առաջ, վորպես զի պարզ գաղափար կազմվեր մեր վորդեգրած գիտական մեթոդի և ընդհանրապես այս շարքի նպատակի մասին, բայց կարծում ենք, ուշադիր ընթերցողը հենց այս առաջին մասով էլ, ինչպես և մեր գրած «Աղիբեկենք և նրանց շինարարական գործը»* կամ Потомство Тарсаича и Ми-

нахатуны** Որբելյանց պատմության հատվածով, գաղափար կարող է կազմել, թե ի՞նչ է մեր ճշգրտումն ու ցանկությունը այս շարքի նկատմամբ:

Թույլ ենք տալիս մեզ ավելացնելու, և խընդրում ենք անհամեստություն չնկատել այդ, թե մեզ չի պակասում վոչ սեր, վոչ յեռանդ, վոչ ջանասիրություն և վոչ նյութական գոհողության պատրաստակամություն, վորքան հնարավոր է այդ մեր կողմից, դեպի այս և գիտական մեր մյուս աշխատանքները, կավելացնենք նաև իբրև վանական շունինք վոր և է նյութական շահի կամ վարձատրության ակնկալություն, բայց և այնպես այսպիսի աշխատանքներ կատարելու և ապագրելու համար անհրաժեշտ են նյութական միջոցներ, վոր չունինք մենք, և մնում է գիտություն և արվեստի հովանավոր հաստատություններին և անձանց հոգալ այդ: Կհաջողվի մեզ մեր իղձն ու փափագը իրագործել և մատչելի դարձնել բանասեր հասարակության, չզրկենք. բայց կանենք, ինչվոր անել կարող ենք, այսինքն աշխատել, վորպես զի խղճի հանգստությունը ասել կարողանանք. ավելին ներող չեղեք, «զի այսչափ եր կար մեր»:

Պարտք ենք համարում շնորհակալություն հաշանել Սորհրդալին Հայաստանի կառավարության և հատկապես Լուսժողովատին, վոր հնարավորություն ստեղծեց այս հատորի հրատարակության համար:

Շնորհակալություն նաև եջմիածնի և Յերևանի մատենադարանի և թանգարանի վարիչներին, վորոնք ամենայն դուրսություն ընծայեցին ձեռագիրների ուսումնասիրության ժամանակ և հարկավորը լուսանկարելու համար:

Բարոցական պարտք ունիմ հիշելու և լուսանկարիչ, հանգուցյալ Հայկ Դադյանին, վոր ոգնել է այս աշխատության սկզբնական ժամանակում լուսանկարներ պատրաստելու գործում:

Գարեգին Արեպիսկոպոս
Հովսեփյան

Ս. Եջմիածին

* Բանբեր Հայաստանի Գիտական Ինստիտուտի գիրք Ա. և Բ 1921—1922.

** Христ. Восток. том II. вып. II. 216.